



## **Ineqarnermut Naalakkersuisoq /MAANI**

**Ulloq:** 3. marts 2014

**J.nr.:** 01.31.06/14-00655

### **Aningaasaqarnermut Akileraartarnernullu Ataatsimiititaliap pingasunngornermi ulloq 26. februar 2014-imi aalajangiineranik Naalakkersuisunut ilisimatitsineq**

#### **Sanatitsisutut aqutsinerup tiguneqarneranut atatillugu missingersuutitut sunniuteqanngitsumik ilassutitut aningaasaliissuteqarnissaq (Suliaq nr. 01.31.06/14-00655)**

Naalakkersuisut **inassutigaat**,

- konto pingarneq 70.01.04, Sanaartornermi aqutsineq suliniutinullu aningaasartuutitut tunngasoq, isertitassatut 7,8 mio. koruuninik aningaasaliissutitaqarluni, akissarsianut aningaasartuutitut 6,9 mio. koruuninik aningaasaliissutitaqarluni aammalu aningaasartuutitut allannut 0,9 mio. koruuninik aningaasaliissutitaqarluni 2014-imut ilassutitut aningaasaliissutissanut siunnersuummut ilanngunneqassasoq aamma
- ilanngussaq 1 naapertorlugu suliassaqarfimmut 80 – 89-imut, Sanaartornermut Iluarsaassinernullu tunngasumut, oqaasertaliussaq nutaaq nr. 7 ilanngunneqassasoq.”

#### **Aningaasaqarnermut Ataatsimiititaliap oqaaseqaatai**

Sanaartornermut tunngasut pitsaanerusumik angusaqarfiunerusumillu aqunneqarnissaat anguniarlugu Namminersorlutik Oqartussat sanaartornermik suliassaataat kiisalu Namminersorlutik Oqartussat sanaartugaataasa aserfallatsaalineqarnerannik suliassaq Ineqarnermut Naalakkersuisoqarfimmi Sanaartornermut Immikkoortortamut nukittuumik qitiusumik immikkoortortaqarfiliornikkut ataatsimoortinneqassasut siunnersuutigineqarpoq. Sanaartornermut immikkoortortaqarfiup sanatitsisunullu siunnersorteqarnerup pitsaasup sanaartornermi suliassani naammassisaqarfiullu arnerulersitsinikkut pitsanngorsaannikkullu aningaasaqarinnikkut ”imminut akilersinnaasumik” ingerlasinnaanerannik naatsorsuutiginninneq iluarisiqaarneqarmat ataatsimiititaliamit oqaatigineqassaaq. Taamaalillunilu suliassap tiguneratigut piffissami 2014-imit 2017 ilanngullugu sipaarutissat 25,7 mio. kr.-inut naatsorsorneqartut paasissutissiissutigineqarpoq.

Suliaq inaarutaasumik aalajangiiffigitinnagu apeqqutit arlaqanngitsut akissuteqarfigineqarnissaat ataatsimiititaliamit kissaatigineqarpoq. Suliassanik suliakkiinissaq pillugu INI A/S 1. november 2009-mi sinaakkusiisumik isumaqatigiissuteqarfigineqartoq, tamatumani sulisut pingasuusut sulilernissamik neqeroorfigineqartut Naalakkersuisup paasissutissiissutigaa. Maannalu ukiut sisamaannaat qaangiunneranni Ineqarnermut Naalakkersuisoqarfimmi immikkoortortamik pilersitsinikkut sulisunik 11-inik nuussinikkut isumaqatigiissut atorunnaarsinneqarpoq.

Missingersuutitut ilanngussap immikkoortuani kingullermi Naalakkersuisut ima aamma paasissutissiipput:

”Sanaartornermut Immikkoortortaqaarfiup ingerlanneqarneranut aningaasat pingaartumik maanna avataaniit siunnersortitut suliffeqarfinnullu atorneqartartunit pissarsiarineqassapput. Tassani pineqartut assersuutigalugu tassapput INI Byggeteknik A/S, suliffeqarfiit siunnersuisartut, illussanik titartaasartut ingeniørillu. Naalakkersuisoqarfinni sulisut ataasiakkaat, ullumikkut avataanit siunnersuisartunut attaveqarnermik isumagisaqartut naalakkersuisoqarfinni ginnassapput, Sanaartornermut Naalakkersuisoqarfik paasiniaaffigisassallugu.”

### **Aningaasaqarnermut Ataatsimiititaliap apeqquai.**

Isummernissamut tunngavissiaq arlalinnik apeqquaqarnissamut tunngavissiivoq.

#### **Apeqquut 1:**

Siunnersortit avataaneersut, taakkununga ilanngullugit illussanik titartaasartut ingeniørillu suli pisariaqartinneqassanersut paasissutissiissutigineqassasoq ataatsimiititaliamit kissaatigineqarpoq.

#### **Apeqquut 2:**

Ukioq naallugu sulisut 11-t maanna immikkoortortaqaarfimmut nuunneqartutut suli allit sulisoriinnarneqarsinnaanerit aammalu sulisussarsiarineqartuarsinnaanerit Naalakkersuisunit naatsorsuutigineqarnerisuligut paasissutissiissutigineqassasoq ataatsimiititaliamit kissaatigineqarpoq.

#### **Apeqquut 3:**

Suliassat siusinnerusukkut sulisunit pingasunit isumagineqarsinnaasimasut ukioq naallugu sulisuusunit 11-nit suliarineqartalernissaannut suna tunuliaqutaanersoq paasissutissiissutigineqassasoq ataatsimiititaliamit kissaatigineqarpoq.

### **Aningaasaqarnermut Ataatsimiititaliap aalajangiinera**

Apeqqutitut siuliani allassimasunut tamakkiisumik akissummik Naalakkersuisut piaarnerpaamik nassiussinissaat **tunngavissaatillugu** Naalakkersuisut inassuteqaataat Aningaasaqarnermut Ataatsimiititaliamit **akuerineqarput**. Naalakkersuisut akissutaat kalaallisut danskisullu nassiunneqassaaq assilineralu qarasaasiakkut uunga nassiunneqarluni: sakkak@ina.gl.

Ataatsimiititaliap sinnerlugu

Jens Imanuelson  
Ataatsimiititaliap siulittaasua